

Apertura di Coastal

Cu un manifestacion cultural atractivo, cu participacion di varios agrupacion di baile local, terminando cu show di carnaval y discursonan a tuma lugar Diasabra 20 di April apertura oficial di Refineria Coastal. Despues cu Sra. Glenda Oduber, esposa di Promer Ministro, Sr. Wyatt, Prome Ministro y Sr. Paul a corta e sinta cu skerman di oro ofrece pa parti di Josefita Emerencia, Mgr. Ellis a bendiciona e refineria a apertura a keda oficial-

mente inaugura.

Miles di hende tabata ariba caya y a goza di un anochi tremendo, cu yen di premios y musica.

E anochi ey por a ripara emocion y alegria ariba cara di varios ciudadanonan cu tabata yora di alegria pa apertura di e refineria.

Durante ceremonianan relaciona cu apertura oficial di Coastal Aruba, Sr. Oscar Wyatt, Chairman di Coastal Corporation y Sr. James Paul Presidente y Chief executive

officer y Director di Coastal Corporation a anuncia planan di e compania pa Aruba.

Un di e planan ta pa bini cu facilidadnan medico nobo pa Aruba y establece un fondo di 5 Millon Dollar pa caridad na beneficio di pueblo di Aruba.

Oscar Wyatt Jr. a bisa cu Coastal lo percura pa un facilidad medico di emergencia habri 24 ora pa dia pa publico y pa personal di e refineria.

Tambe cu Coastal Aruba lo staff e clinica na San Nicolas y percura pa entrenimiento medico na Houston.

Pa emergencianan cu mester di tratamiento urgente na hospital na Playa, Coastal Aruba lo percura tambe pa un ambulance full equipu y tripula pa paramediconan, cual tipo di ambulance ta conoci como un camber di operacion mobiel.

Na e ocasion aki tambe Promer Ministro a bisa cu "quizas entre boso den e publico tin hende cu ainda tin duda. Pero bo presencia aki ta dunami e speranza cu tardi of tempran lo bo realiza cu e refineria tabata y atrobe lo bira un pilar di nos economia".

Mucha di tres aña a come Heroína

Un mucha di tres aña di edad, a worde hospitaliza na Madrid despues di a come heroína cu el a haya den un saco den cas.

E tabata den cas di su familia ora cu el a haya e saco, hasha e droga den su man y come esaki.

Su mama a desaparece despues di a lague na hospital pa tratamento medico, unda

e mester a bay laba stoma ya cu no tabata conoci e cantidad cu e por a guli.

Despues di e tratamiento a worde anuncia cu e ta for di peligro.

Un portavoz di polis a bisa cu sigur e mucha ta yiu di drogadictonan y mas probable di revendedornan di droga.

